



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-007-4/22**
Datum: **04.02.2022. godine**

«Agencija za vodno područje rijeke Save» Sarajevo rješavajući po zahtjevu Banjić Sakiba iz Klokotnice, općina Doboj Istok, za donošenje rješenja o prethodnoj vodnoj saglasnosti za izgradnju solarne fotonaponske elektrane snage 72 kW na zemljištu označenom kao k.č. 3543/8 i k.č. 3543/9 K.O. Klokotnica, općina Doboj Istok, na osnovu člana 109. i člana 96. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o prethodnoj vodnoj saglasnosti**

1. Odbija se zahtjev Banjić Sakiba iz Klokotnice, općina Doboj Istok za donošenje rješenja o prethodnoj vodnoj saglasnosti za izgradnju solarne fotonaponske elektrane snage 72 kW na zemljištu označenom kao k.č. 3543/8 i k.č. 3543/9 K.O. Klokotnica, općina Doboj Istok, s obzirom da za predmetnu aktivnost, shodno odredbama člana 109. stav (1) Zakona o vodama nije propisana obaveza pribavljanja vodnih akata od strane ove Agencije te da na djelovima predmetnih čestica važe zabrane gradnje iz člana 96. stav 1 tačka 16. Zakona o vodama.

O b r a z l o ž e n j e

Banjić Sakib iz Klokotnice, općina Doboj Istok obratio se ovoj Agenciji sa zahtjevom za donošenje rješenja o prethodnoj vodnoj saglasnosti za izgradnju solarne fotonaponske elektrane snage 72 kW na zemljištu označenom kao k.č. 3543/8 i k.č. 3543/9 K.O. Klokotnica, općina Doboj Istok.

U provedenom postupku dostavljena je i pregledana sljedeća dokumentacija:

- Ovjerna kopija lične karte,
- Kopija katastarskog plana: K.O. Klokotnica, broj plana: 7, UR broj: 05-26-911/2021-3 izdatog dana 21.09.2021. godine od strane Općinske službe za prostorno uređenje općine Doboj Istok,
- Kopija izvoda iz katastarsko-knjižnog uložka broj 1413, K.O. Klokotnica, broj: 05-26-910/21-2 izdatog dana 16.09.2021. godine od strane Općinske službe za prostorno uređenje općine Doboj Istok,
- Kopija zemljišnoknjižnog izvotka, zemljišnoknjižni uložak broj 2878, K.O. Klokotnica, broj: 027-0-NAR-21-006 162 izdatog 27.09.2021. godine od strane Zemljišnoknjižnog ureda Općinskog suda u Gračanici,
- Kopija Rješenja o urbanističkoj saglasnosti, broj: UP-I-05-19-337/21 izdatog 07.01.2022.godine od strane Općinske službe za prostorno uređenje općine Doboj Istok,
- dokaz o uplati upravne takse.

Idejnim rješenjem planirano je da se Solarna fotonaponska elektrana snage 72 kW gradi na zemljištu označenom kao k.č. broj: 3543/8 i 3543/9 K.O. Klokotnica, općina Doboj Istok. Služba za prostorno uređenje općine Doboj Istok donijela je Rješenje o urbanističkoj saglasnosti za izgradnju predmetnog objekta sa uslovom da Investitor „pribavi vodni akt o plavnom uticaju rijeke Spreče na predmetne parcele i buduću građevinu“.

U ispitnom postupku provedenom u procesu utvrđivanja činjenica bitnih za odlučivanje po zahtjevu Banjić Sakib iz Klokotnice, općina Doboj Istok traženo je od Sektora za upravljanje vodama (Sektor 10) očitovanje o pripadnosti zemljišnih čestica k.č. 3543/8 i k.č. 3543/9 K.O. Klokotnica vodnom dobru, odnosno plavnom području.

Sektor 10 je dao svoje očitovanje o položaju predmetnih parcela u odnosu na vodno dobro i liniju dopiranja velikih voda rijeke Spreče ranga pojave 1/100 godina koje Vam dostavljamo u prilogu zajedno sa grafičkim prikazom.

Uvidom u dostavljenu dokumentaciju i očitovanje Sektora 10 ove Agencije utvrđeno je sljedeće:

Sa aspekta upravljanja vodama i ograničenja u korištenju zemljišta u pojasu uz vodotoke propisanih Zakonom o vodama, nije prihvatljiva dispozicija (položaj) solarnih panela kako je dato u priloženom idejnom rješenju, i kako je to prikazano u grafičkom dijelu Rješenja o urbanističkoj saglasnosti (broj: UP-I-05-19-337/21 od 07.01.2022.godine).

Veći dio čestice označene kao k.č. 3543/8 je unutar pojasa koji se nalazi na udaljenosti manjoj od 10 metara od linije dopiranja velikih voda rijeke Spreče ranga pojave 1/100, te se na tom dijelu parcele izričito zabranjuju planirane aktivnosti odnosno važe zabrane iz člana 96. stav 1. tačka 16. ZOV-a (vidjeti grafičke priloge).

Čestica označena kao k.č. 3543/9 je samo malim dijelom unutar pojasa koji se nalazi na udaljenosti manjoj od 10 metara od linije dopiranja velikih voda rijeke Spreče ranga pojave 1/100, te samo na tom dijelu važe zabrane iz člana 96. stav 1. tačka 16. ZOV-a. Planirane objekte potrebno je smjestiti na dio parcele koji je izvan uticaja velikih voda rijeke Spreče (vidjeti grafičke priloge).

Planirana izgradnja solarne fotonaponske elektrane snage 72 kW u Klokočnici, općina Doboj Istok se može realizirati tek nakon pozicioniranja iste izvan granica linije dopiranja velikih voda i dodatnih 10 metara od linije dopiranja velikih voda rijeke Spreče, sve u skladu sa članom 96. stav (1) t. 16 Zakona o vodama.

Kako na predmetnom lokalitetu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. tačka (s) i tačka (cc) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav (1) Zakona o vodama, riješeno je kao u dispozitivu Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.


Obradivač akta:

Roksanda Školjić, dipl.ing.građ.

Prilog: Očitovanje Sektora 10 sa prilogima

Po ovlaštenju

Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- Banjić Sakib (prilog)
- Ul. 10. marta br. 51, 74207 Klokočnica – Doboj Istok
- Općina Doboj Istok – Općinska služba za prostorno uređenje (prilog)
- Trg Alije Izetbegovića br. 1, 74207 Klokočnica – Doboj Istok
- AVP, ISV – Vodna knjiga
- ➔ Sektor 40, arhiva
- Oglasna ploča, AVP Sava